











D.  
cc

Hy. D. Amery

To W. D. Amery











**T**ournier / Kampff / vnnnd  
Ritterspiel / Inn Eroberunge aines Gefährlichenn  
Thürns / vnnnd Zauberer Schloß / Auch der Abentheurlichen Ins-  
sell / vnnnd Guldinn Schwerdts. Zu Ehren dem Hochgebornen  
Durchleuchtigen Fürsten vnd Herrn / Herrn Philipsen / Prüncen auß Hispanien &c. Zu Bütz vnd Marienberg Ritterlich gehalten.

Sampt anderen wunderbarlichen Bancketen / Lust vnd Freuden  
Spielen / köstlicher vnd kurzweillicher Herlichkeit / Auß anfschickung der  
Hochgebornen Durchleuchtigen Fürstinn. Frau Marien  
zu Vngern vnnnd Behem Königin / Wittib &c.  
zügericht vnd volnbracht.









**Als die Römisch Keyser**  
**lich Mai. Unser aller gnedigster Herz /**  
**Sampt jr Mai. geliebte Sone / dem Prinzen auß**  
 Hispanien / gen Vintz den xxij. Augusti antommen / ist ihr Kay.  
 May. vnd sein Fürstlich durchleuchtigkeyt / von Frau Marien zu Vngern vñ Böh-  
 hem Königin / Wittib ic. vñnd der Königin auß Franchreich / mit grossen freu-  
 den / Pompen / Köstlichkeit. vñ bracht empfangen worden. Als nun ein Thurnier zu  
 fuf / zuuor zu Brüssel / vff den andern tag / nach ihr Kay. May. glückseligen an-  
 kunfft / gen Vintz aufgeschriben / Ist doch solcher / von wegen / das die so Thurnie-  
 ren wöllen / noch nicht aller ding fertig vñnd gerüst gewest / vff den xxij. tag ge-  
 dachtes Monats / auffgeschoben / vñnd vff maß vnd weiß gehalten / als desselben  
 Aufschreiben / bedinget vnd mitbringet / so von wort zu wort also gelautet:





Thournier/ Kampff/  
**Ausschreiben des Kampffs/ oder Thourniers zu**  
fuß/ so zu Bins gehalten werden soll.

**Z**u wissen seyemeniglich / daß gleich des andern tags nach der Römisch. Kay. Mai. ankunfft gen Bins/ sich alda zu Hoff werden sechs vñ Adel/ den Fräwen vñ Jungfräwen/ zu dienst vñ gefallen/ auch zu übung Ritterlicher wehre stellen/ so alle die ihenigen/ die sich mit jnen zu Thournieren vnterfahen wolten/ von zwölff vñren an biß auff den Abent/ lenger oder kürzer/ so lang allen denen/ die zu Thournieren erscheinen/ genug beschicht/ in sechserley Wehren bestehen/ vñ Fuß halten wollen/ vñ dasselb vff weiß vñ meinung wie volget:

**Die Wehren zum Thournier verordnet.**

Mit Erst drei stich mit langen Spiessen/ vñnd drei strich mit Kürischswerten.

Zum Andern/ drei stöß mit Raißspießen/ vñnd drei strich mit zerbrochnen Raißspießen/ das hinderthayl herfür gekehrt.

Volgend ein wurff mit einem Scheffelin/ vñnd sieben strich mit Schlachtschwert.

Vñnd leglich Neun strich mit einem langen Streithammer odder Streitart.

Auß welchen Wehren mögen alle die so zu Thournieren kommen/ welche vñnd wie vil jnen geliebt/ aine/ allainz/ oder etlich/ oder alle sampt/ nach jrem gütten gefallen/ welen vñnd erkiesen. Vñnd würdt daselbst die Jungfraw von Systeltyne ein federn/ zum zaichen tragen/ so ein ieder der Thournieren/ vñnd preiß gewinnen wil/ zuuor anzurühren/ vñ sein Namen schuffelich zu übergeben/ schuldig sein würt/ alles nach beuelch egemelter Jungfräwen.

Damit mann aber wissen möge/ in welchen Wehren ein ieglicher Thournieren wil/ so werden zu ende der Schrancken/ an vier darzu geordnete seulen vier Schilt/ die drei nach lengs gleich abgethailt/ hangen. Nemlich in dem ersten würdt vff einer seitten ein langer Spieß/ vñnd vff der andern ein Kürischswert/ Im andern gleicher gestalt ein Raißspies/ vñnd das hinderthayl desselben / vñnd im dritten ein Scheffelin vñnd Schlachtschwert. Im vierden aber so mit gethailt/ ein Streytart gemalet sein. Welche Schilt/ es sey einer oder mehr/ die so Thournieren wollen/ anzurühren müssen/ Damit anzuseygen/ In welchen Wehren sie streyten wollen/ dann welche Schilt sie rühren/ in denen Wehren so darinn gemalet/ sie Thournieren sollen. Es solien auch von den Bestehern/ ein ieder mit Wehren nach notturfft versehen werden.

Darzu wo einer sein Wehre verlüre / oder auß den henden fallen lief/ dem sollen andere geliuert werden. Der aber so sein Wehr verleurt/ odder einen tückischen verbottenen strich thut/ als abwertz oder vnter der gürtel/ derselb kan nach der Richter darzu verordneten Vtheyl/ kein danck erlangen.

Zu dem/ dieweil mann vorzeitē/ gemelter Streytart/ sich anders nit gebraucht/ dann zum Ernst vñnd Gewalt/ vñnd doch dises allainz zu einem Schimpff/ Kurtzweil/ vñnd den Fräwen vñnd Jungfräwen/ zu dienste angefangen/ in massen mann sich in allen disen Wehren/ vñnd sonderlich der Streytart mit hohen freien tachsreichen/ allen ernst vñnd argelist/ hindan gesetzt/ üben solle/ So ist derhalben hiemit außdrücklich verbotten/ daß mit der gedachten Streytart/ inn keinerley weis noch wege/ weder gestossen/ noch vmb oder zwischen die Schenckel (sein widerthail dardurch zufellen) geschlagen werde/ bei peen vñnd straff/ daß der Vbertreter zu stund als im sein helmlin außgethan/ mit blossem haupt zu den Schrancken hinauß gestossen werde/ vñnd hernach den ganzen tag/ weder zu disem odder andern Kampff nit mehr kommen möge.

Desgleichen



## Vnd Ritterspiel.

Deßgleichen sollen alle die Straich/ so mit obgerürter Streitart / vnter der gürtel geschehen/ für böß vnd falsch geachtet werden / vnd diser so solche Straich thün wirdt/ mit der genannten Wehr kein Kleinot gewinnen.

Dise aber so das beste thün mit Thournieren / sollen nach Vtheil vnnnd erkantnisse/ der Jungfrawen vnnnd Richter/ inn ieglicher Wehr gewinnen/ wie hernach volget:

## Die Gaben der Thournierer.

Erstlich im langen Spieß ein gülden spieß/ 1000. Kronen werth/ odder darunter.

In dem Kürißschwerdt ein gülden Schwerdt 400. Kronen werdt / oder darunter.

Im Raißspies vnnnd desselben hindertheyl/ ein gülden Raißspieß/ 100. Kronen werdt / oder darunter.

Im Schlachtschwerdt/ ein gülden Schwert/ 800. Kronen werdt/ oder darunter.

Im Schaffelin ein gülden Schaffelin/ 500. Kronen werdt/ oder darunter.

In der Streitart ein gulden Streitart / 500. Kronen werdt / oder darunter.

Wer aber den besten Ritterlichsten vnnnd Tapffersten Straich mit gedachter Streitart thün würt/ dem solle von der Jungfrawen oder Frawen / so er darzu erkießen würdt/ ein Diamant 500. Ducaten werdt oder darunter geschenkt werden.

Als auch solcher Thournier geendet/ sollē alle Ritter sampt den Bestehenern/ gleich vffzwen thayl/ abgethaylt werden/ vnd erstlich mit dem Langen spieß/ vnd volgendes mit dem Kürißschwerdt / all sampt vnd zugleich / gegen einander überschrancken kempffen/ alda die sechs Ritter / so den ersten Kampff bestanden/ auch danck gewinnen/ so zuuor nit geschehen mögen/ vnd der so also mit dem Spieß das best thut/ sol ein köstlichs Krenzelein/ der ander aber mit dem Schwerdt/ ein Rubin 400. Kronen/ oder darunter werdt/ gewinnen.

## Die Namen der Herrn vnd Ritter/ so sich

in diesen Thournier begeben/ sampt irer kostbarlichen  
Rüstung vnnnd Aleydung.

**A**rauffseind zu solchem Thournier zu Binz im Schloßhoff schöne schrancken/ vff allen seiten mit Antiquischen Wehren vnd Wassen geziert/ vnnnd ein schön gerüst ganz lustig gemacht (daruff die Richter desselben Thourniers gestanden) vffgericht gewest/ Dahin vñ zwölff vhr nach essens/ die sechs vom Adel / so den Thournier bestandē/ Als nemlich der Markgraff von Bergen/ ein iunger Herr/ so sich sehr wol vnd dapffer gehalten/

Der Herr von Trayzigni der Elter. Der Herr von Semeri. Der Herr von Riestre. Der Herr von Tolom. Der Herr von der Tilloye/ alle sampt Niederlens der/ vnd junge Edelleut/ kommen sind/ So inn ganzen Kürissen gewaffnet / über dem Harnisch von gulden stücken / mit rotem vnd weissem Sammet durch einander gestickt / vnd zugßweis zerschnitten/ schurtzen vnnnd roth sammete hosen/ mit weissem Atlas vnterfüttert. Vff dem Helm grosse vnd hohe rote vnd weissen Federbüschē/ Vnnnd mit Achgehen Patrinn odder Rüstmeystern / vnter welchen vil Grauen vñ Herren/ In sonderheyt etlich Ritter des gülden Vlies/ so alle zugleich in ein farbe getleydet/ vnnnd rote Aleße Wammes/ Sammete hosen/ mit Silberem tuch vnterzogen/ silberem Pasmient verbrembt/ vnd der selben farb / schaiden/ schüch vnnnd barec/ daruff ein weisse Federn/ sampt einem weissen zerschnitten Liden Goller / mit roten vnnnd gülden schilcreten stück vmblegt/ anhetten. Auch drey Thumelschlagern vñ. Pfeiffern gleicher farb/ weis vnd roth von Atlas getleydet/ In der ordnung allweg zwen vnnnd zwen/ Vnnnd zu letzt die sechs Kürisser inn die Schrancken zogen/ alda sie jr Zelt vffgeschlagen hatten.



## Thurnier/Kampff/

Nach welchen als baldt der Prinz von Piemont / des Hertzogen von Sophoy Sone/sampt andern neunnen/Nemlich/dem Graff Peter Ernsten von Mansfelt/ Ritter des gülden Vlies / dem Grauen von Negen/ dem Herren von Obermont/ des Grauen von Horn Bruder/ dem Herin von Noircarmes / allen dreien Niderlendern / dem Freiherrin von Colaur / dem Herin von Peloux Burgundern/vnd Johan Zapada/ Don Johan de Cuma/ vnnnd Caspar de Kobles Spaniern/ allen in ganzen Kürissen/ mit schwarzen sameten zerschnitten schürzen/hosen/schuch/federbüschen/schayden vnd gürtelen/mit übergulden Dolchen vnd Rappiren / Vñ ihren Rüstmeystern vnd Jungen/gleicher weise inn schwarz sammet/ Vnd ihren Trometern / Thrumelschlagern vnnnd Pfeiffern/inn schwarz Atlas gekleydet kamen/so alle nacheinander/Doch allayntz in dem Kürisschwert vnd Spieß/vñ gar wenig in andern wehren kempffte/one der legst/Kobles genant/so in allen Wehren sehr wol Thurniert/ob er gleichwol von Person klein ist.

Nach disen kamen des Herren von Tresigni/so Ritter des gülden Vlies ist/drei Säue/Niderlender / Nemlich der Heri von Roigny/der Heri von Argenteau/vnd der Heri von Sammain/ alle drei weisse Damastate mentelin/ mit roten vnd grünen sammet verbremt/über die Harnisch/vnd sonst weisse hosen/vnd weisse federn vff den helm linē tragende/so zwen Rüstmaister in weiß Atlas/baret/hosen/wammest/vnd sonst alles gekleit/mit sich hetten/vnd allayntz in dem Spieß vnd Kürisschwert kempfften.

Volgendes kamen vier Pilgerm/ Der Heri Marck/ Der Heri von Melisant/der Heri von sanct Martin/vnd der Heri von Peuin/alle Niderlender / so über ire rüstung grawe sammete Pilgrams mentel / solche hüt mit gulden vnnnd silbern stuck muschels weis ganz köstlich verbremt vnnnd bestickt anhetten / Vnd schompart mit braiten paiten/pilgrams stäbe in den henden/ mit übergülten knöpfen/ vnd sonst rote schüsselen/vnd anders wie pilgrams Brüder/ trügen. Vor welchen vier jungen/in grawen taffet/in Weibskleider angethan / breite hüt auff dem rucken tragende/Vnnnd ein Singer auß der Königin Cappellen/gleicher weise gekleidet giengen / vnd ein Jacobs Liedt sungen. So auch nur in dem Spieß vnnnd Kürisschwert Thurnierten.

Als dann kam der Hertzog Adolff von Holstein / mit vorgedachtem Graff von Mansfeldt/vnd dem Graffen von Ebersteyn/so über ihre Harnisch teutsche reitmentel/stuckweiß von Damastet/mit lauter gulden vnd silbernen plümen/ vnd schwarzen sammet / nach lengs gethailt/vnd schwarze sammete hosen/mit weißem Atlas vnterfütert/ Gleicher gestalt ihre Rüstmeyster. Die Pfeiffer aber vnd Thrumelschlager/schwarz vnd weiß Atlasse hosen vnd wammes antrügen/welche alle drey in allen Wehren sehr wol Thurnierte / Allainz der Graff von Eberstein/Doch nit von dem strach seines widertheyls/sonder als er sich zu kurtz vmbwendet/vnd die schenckel schrencket/gefallen ist/ Hat sich sonst sehr wol gehalten.

Disem volgte der groß Commentor von Alcantara / Don Gomes de Sigerda/ Den Grauen von Castaneda / Don Luys Zapada/ den Grauen von Cifuentes/ vnd Roys/Games de Silua/mit sich bracht/Welche über ihre Harnisch rote Carmafin sammete Goller zerschnitten mit guldem Pasament verbremt / rote sammete hosen mit goldt belegt / vnnnd gelben Atlas vnterzogen/anhetten/vnnnd vff dem helm roth vnnnd gelb federn fürten.Auch ire Rüstmeyster gleicher gestalt/mit roten Atlassen wammessen / sammeten Goldern vnnnd hosen/mit goldt/vnnnd sonst alles wie die andern zugericht/Auch ire Pfeiffer vnd Thrumelschlager/in roten vnd gelben Atlas zerthaylt gekleidet waren.

Gleich nach disem kamen zwen Jäger/deren einer der Mingoual/ des Prinzen  
von



## Vnd Ritterspiel.

von Sulmona Bruder Bastardt / vnnnd der ander der Herr von Beanfort / beyde  
Niderlender waren / so mit grünen seiden Manteln / mit gülden strichen durchzo-  
gen / Vnd derselben arth Jäger kappen über ire Wafften bekleydet / vnd Schweins-  
spieß mit grün umbwunden / trügen. Vor welchen zwen in gleicher farb / als Jä-  
ger mit Hündern pliesen / vnd zwen Büben vil Hunde fürten / auch Klinglin / Has-  
sen vnd Bazen / auff die Pan lauffen lieffen / alles zu ein gelechter. Der Mingoual  
Thournierte inn allen Wehren so manlich vnnnd dapffer / Daß sich seiner grossen  
sterck / menigklich verwunderte / vnd er den Preiß mit dem Raisspiess / vnnnd dem  
hindertheyl desselben gewonnen.

Derweilen kam der Prinz von Astoli / des Anthonien de Leyua Sone / selb sech-  
ste Nemlich / dem Grauen von Aignont / Don diego de Leyua / Don Fernando von  
Medoza / des Marckgrauen von Montegar Sone / Don Alfonso Pimentel / Don  
Alfonso von Mendoza / so vber den Harnisch von güldnem stück / mit schwarzem  
grunde zerschnitten / mit weissen Atlas / vnd silbern vnnnd schwarz seidenen fran-  
sen verbrennt / Desgleichen auch die hosen / mit weissem atlas vnderfutert anhet-  
ten / vnd vff dem Hauptarnisch weiß vnnnd schwarz federn trügen / Auch vff  
solche manier ire Rüstmeyster / mit hosen / wammes vnd koller. vnd die Thrummels-  
schlager inn weiß vnnnd schwarz atlas zertheylet / gekleydet / gangen / Vnder denern  
der Marckgraff von Berges / den Don Alfonso Pimentel / mit dem hindersten  
thail / des Raisspiess / zu bodenschlug / so doch sonst den Preiß vnnnder allen Spaz-  
niern / seiner mannlichheyt halben ihm zümasse / wardt also vonn eynem jungen  
gedempfft.


Hernach kamen sechs andere Nemlich / Don Johan de Zeneda / vnd sein Bru-  
der / Don Karl de Zeneda Don Garcia / Daiala / der Graff von Gelmes / Don Mar-  
tin Ates / vnnnd Don Peter de Roelles / alle sampt Spanier / Welche über die Rüs-  
tung blau sammete Goller / creuzweiß zerschnitten / mit gülden stücken unterfu-  
tert / Vnd in mitte eines ieglichen creuzs / ein Rosen von gülden stück / vnnnd weiß-  
sem Atlas genehet. Die hosen gleicher gestalt von blauem Sammet / vnd gülden  
stück. Vnd ihre Rüstmeyster auch vff die selb arth / Goller / hosen vnd Wammes  
anbetten / Vnter welchen etliche inn allen Wehren Thournierten.

Nach disen kamen zwen Wilde männer / mit Stangen / so ein Trachen von Lein-  
bath / der feuer auffspit / fürten / Inn welchen zwen Edelleut / der ein der Herr von  
Quirina ein Niderlender / vnnnd der ander Don Diego de Croj / ein Spanier /  
über ire Harnisch als Wilde männer angethan / so sehr wol / vnd in sonderheit der  
Niderlender / gar ein Junger mensch / inn vil Wehren kempfften.

Der Prinz von Hispanien / ist zu letzt sampt sechs / Nemlich / neben ihme gieng  
der vorgenant Prinz von Piedmont / Als dann Don Johan Mauriz de Lara /  
Ray. Mai. Hoffmeyster / vnd des Herzogen von A. Brnder / vñ der gemelt Graff  
von Alegen / Vnd zu letzt / Don Johan de Bemauides / sampt Don Rodrigo ma-  
nuel / Lange spieß über die achsel eragende / mit xij. Rüstmeystern vñ sechs Thrum-  
melschlagern / in die schrancken kömen / hat ire Fürstlich Durchleuchtigkeyt / sampt  
den andern über die Rüstung / braune sammete zerschnittene Goller / mit golt der-  
massen gestickt / daß man den sammet kaum gesehen / vnd gelb sammete hosen glei-  
cher weiß mit goldt / auch ganz köstlich gestickt / sonst gelb gürtel / schaiden / schüch  
vnd anders. Die Rüstmeyster aber gleicher gestalt braune Goller / gelbe Atlesse  
wammes / vnd gelb sammete hosen / schüch / schaiden vnd anders / so köstlich mit golt  
aufgenet / angetragen / Daß man vermeint / ein ieglich kleyd / hab bey 300. Kro-  
nen koster. Die Thrummelschlager sind in gelb sammet mit schwarzem sammeten  
wülstlein vff Landknechtisch gekleidet gewest / welchs alles jr S. D. zalt / Vnd  
haben alle allaynz mit dem Spieß vnd Rürschwert Thourniert.



Thurnier/Kampff/  
 Vom Thournier vber die Schrancken/  
 Vnd außrißung der Preiß.



**A**ls solchs alles geschehen/ hat mann alle Ritter gleich zu beyden theylen ab  
 gethaylt/ vnd vber Schrancken erstlich mit langen Spiessen/ volgendes mit  
 Kürisßschwertern/ allzumal lassen Thournieren/ So sehr lustig zu sehen ge-  
 west/ vnd schier einer Schlacht gleich geschehen/ Inn welchen jr Fürstlich Durch-  
 leuchtigkeyt/ sich mit dem Schwerdt sehr wol gehalten/ vnd den Preiß so ein Ru-  
 bin gewesen/ erlanget. Vnd ist also solcher Thournier/ nach dem ein Rott nach der  
 andern wie sie kommen gewesen/ abtreten/ geendet worden.

Nach dem nacht essen seind schöne Tenz gehalten/ vnnd die Preiß außgethaylt  
 worden/ wie volget:

Nemlich dem Don Johan Guiraba/ der Preiß im langen Speiß.

Dem Herrn von Quirinain/ der preiß im Kürisßschwert.



## Vnd Ritterspiel.

Dem Bastardt Minguol/der preiß im Raisspieß/vnd dem hindern theil des selben.

Dem Kobles/der preiß im Schaffelin.

Vnd Herrn Marck der preiß im Schlachtschwerdt.

Vnd dem Grauen von Aignont/den Danck in der Streitart.

Vnd leglich Ir S. D. den danck des letzten allgemainen Thournters/oder des getrengs/Wie hievor gemeldt ist.

## Die Abentheur des Finstern Schloß.



**D**Es volgendē tags hernach/so der xxv. Augusti gwest/ Hat man vnter dem Schloß/ausserhalb dem Stetlein/ In einem weiten vnd grossen Garten/ die Abentheur des finstern Schloß zuuersuchen/ vñ bestehen angefangen/ Vnd ist solche kurzweil vnd Ritterspiel/ von Hochgedachter Königin Marien Seiner S. D. zu ehren vnd freuden/ dermassen artlich/ geschicklich/ nach art vnd manier/ als etwann von den Rittern auß Engelandt/ oder Rittern von der Run den Thaffel/ vnd König Artus Hoffgesinde vnd andern/ In alten Historien vnd



## Thournier/Kampff/

Büchern/kurzweilig gelesen würdt/erdicht vnd gefunden worden/Daß sich ob jr Kön. Mai. hochbegabten verstand / meinglich mit wenig verwundert. Dann ihr Kön. Mai. mit erst ein schon artlich Schloß / mit seinen Thörnen Pasteien/ Schlagbrücken/ Wassergraben vnnnd anderm zum schein wol verwart/ von Tüch vnnnd Holz/ ganz lustig machen/ Auch zu dem vmb dasselb / noch ein sehr tieffen vnd weiten Wassergraben führen/ In massen es einer Insel gleich gesehen / vnnnd es ganz rings vmb mit Tüchern/ so wie Wolcken gemalet / also daß mann es nit sehen mögen/umbziehen lassen/Derwegen es auch das finster Schloß/le Chastes au tenebreux/ geheissen/ vor welchem Schloß/vff einem schönen grünen platz ein artlicher fels/gleich gestalt von tüch vnd holz/gar natürlich gemalet/ vnd gefers bet/ Vnd vff dem selben ein viereckete rote Seulen/natürlichem Marbel gleich angestrichen vffgericht/ In derer vberzwergs/ein schön güldes Schwert/mit vil Edelsteinen/gar köstlich geziert/bis an das Creutz/gesteckt/Vñ sonst von den Felsen herab ein stiegen/ von etlich vil stäffeln/ Als ob solche in den Felsen gehauen weren/gemacht ware. Vnnnd an diser Insel/die Abentheurlich Insel genennt/ein zimlich breyt vnd tieff Wasser/ so die ganz Insel vmbgabe/flosse. Am gestad desselben/zwischen ij schönen grossen Seulen/ mit etlichen Schifften vffgestellt/ ein sehr schon Schiff/mit Goldt vnd anderm gemelde geziert/vnd roten Sammet bedeckt/ In dem der Patron mit seinen Dienern/in langer rote Carmosin sammette Mantel angethan / mit Schaffelinen vnnnd Partesonen / wol versehen/ angesbunden.

Hierseits des Wassers/ ware abermals vff einem platz/mit Wenden von breittern gemacht/ vmbgeben / ein hohe Seulen / an welcher ein Schildt mit ein gülden Lewen hieng / Vnnnd hart darbey ein gemalter Thurn/ mit einer grossen zwisfachen Pforten/so der gefährlich Thurn/namen hette. Vor disen warde ein schoner/ lange vnd weite Bahn/mit sande gestrewet / vnd zu beiden seitten mit gücten starcken Schrancken gar wol versehen. Zum ende der selben abermals an einer hohen Seulen/ Ein weisser Schildt mit einem schwarzen Adler gehenget. Vnnnd hart darbey noch ein anderer Thurn / mit starcken Thoren ( So mann den vngewissen durchzug hiesse ) Vor welchem überzwergs des vorigen / abermals zu beiden seitten mit gemalten Wenden/von holz vffgeschlagen/ein andere lange ban/ ganz wol zugericht / Vnnnd auff der mitte der selben / ein Brücken über ein tieff Wasser / Daruff Thorschrancken / so mann zu vnnnd vff schluffe/ Ann welchen ein klein hülze thürnlein. Vnd vor den Schrancken die dritte Seule / gleicher gestalt wie die andern/An deren vnter einem weissen Schilt/ mit einem roten Greiffen/ ein ehren Horn hieng/ Vnd zu ende der Bahn/an einer nidern grossen Seulen/die geding vnd gebreuche/der Abentheurliche Insel re.Nach lengs in dreierlei sprach geschriben stünden.

Im Heuslein/so an die gedachten ersten Thorschrancken gebawet / war hoch gemelter Königin Marien Zwergh/in Gülden stück/vff Bolnisch angethan.

Am ersten Paß / des vngewissen Durchzugs / Wartt der Ritter mit dem roten Greiffen/so der Graff von Arnberg/oder der Herr von Brabanson war.

Den ander Paß/des gefährlichen Thurns/verhütet der Herr von Hochstraten/oder Ritter mit dem schwarzen Adler.

Vnd am dritten Paß am Wasser / hielt der Graff von Egmont / so der Ritter mit dem gülden Lewen/genant ward.

Im finstern Schloß aber / wart der alt Herr von Corbaron / des Prünzen von Aranen Formundt/Welcher als der Zauberer innhett/vnd wurde genent Torasbrock/so sein name Corbaron ist/ wo er hinder sich gelesen würdt/ Vnd sonst bei allen Passen worden schone Zelt vffgeschlagen/ Also sich ein ieder der drei Ritter/ mit seinen Pferden vnd Gesinde erhielt.



## Vnd Ritterspiel.

Damit aber die weise vnd manier / solches Schimpffs vnd Ritterspiels / besto  
besser verstanden werde / Ist der selbigen Cartel oder Aufschreiben / von wort zu  
wort / als es hienor zu Brüssel / derhalben publiciert vnd geöffnet worden / hienun  
ten verzeichnet / so also zu Teutsch transferiert worden.

## Aufschreiben dises Ritterspiels.

**A**ller Durchleuchtigster / Großmechtigster / Vnüberwindtlichster Kayser /  
Aller gnädigster Herr / Nach dem der Allmechtig Gott E. Kayser. Mai. zu  
einem Herischer vnd Obersten Haupt / der drei theylen so die ganzen Welt  
begreifen / vnnnd vnderseyden / gesetzt / Also hat er auch E. Kay. Mai. mit allen  
Tugenden vnd nottürfftigen dingen / Solche grosse Monarchey zuerhalten vnd zu  
Regieren / reichlich begabt / Inmassen / dardurch E. Kay. Mai. Lob vnnnd preiß /  
von wegen derselben hohen Gerechtigkeit / vnnnd angeborenen güte vnd miltigkeit  
(Welche zwei stück allen Fürsten vnnnd Potentaten hoch vonnöten) Durch die  
ganze Welt also gerhümet / vnd aufgebreitet würde / Daß / wo sie ewiglich leben  
solte / sich desselben alle Menschen vff Erden / hergzlich erfreuen / Vnnnd sich deß  
halben glücklich achten solten. Dann alle die jenige / so mit armüt vnd trübsal bes  
laden / Ihrer Güter / Ehr / Freyheyt vnd anders beraubt / Deßgleichen durch Ge  
walt / Wüterey / vnd inn vnbillich weise beschwerdt / geplagt / vnnnd angefochten  
werden / Allainz zu E. Kay. Mai. ihre gewisse vnnnd tröstlich zúflucht haben.  
Welche hohe / treffliche / Fürstliche tugendt / Vnd sonderlich die tapfferen / wun  
derbarlichen vnd manlichen Thaten / so E. Mai. allainz / entweder von Gerech  
tigkeit wegen / Oder aber den Vnterdrückten zuhelffen / glücklich vnd löblich vol  
endet hat / alhie zu erzelen / Dierweils auch vnser fürhabens nicht ist / nit allain  
die zeit nit geduldet / sonder vns auch gang vnmüglich were. Derhalben wir es  
also berúhen lassen / Vnd E. Kay. Mai. allainz vnser anligen / als dem Vnnnen  
aller Gerechtigkeit / vnderthemigst erzelen vnd fúrbringen wóllen.

Wie von alters her / allen Rittern vnd Edelleuten (welche durch Ritterliche  
mannliche Thaten / Ehr vnd Preiß zu erlangen / Allerley frembde / seltsame vnnnd  
gefährliche Abentheur zubestehen / ieder zeit gesucht) Durch alle Landt / Könige  
reiche vnnnd Fürstenthumb / frey sicher vnd one verhindernusse / oder vffhaltung  
zuziehen vnnnd zu passieren / zúgelassen vnnnd erlaubt gewest / So ist doch solcher  
löblicher güter brauch / von etlichen aller Ritterschafft / vnnnd Adelicher thaten /  
Feinden / Raubern / Strassenhütern / von deren so Wüterey / Tyranny / Gewalt /  
Bosshet / Falsch vnnnd Verreterey / der Pillicheyt / Gerechtigkeit / Erbarkeit /  
vnnnd allen Ehrlichen / Dapfferen / Ritterlichen thaten fúrsetzen / nit gehalten  
worden. Welcher eins theyls / so ihres Leibs schwacheyt / vnd mangel der ster  
cke an inen selbs erkennen / vnd durch Leibs stercke vnd geradigkeit / der Waffen  
vnnnd Wehren / nichts außrichten mögen / Ihre zúflucht zu andern bösen stücken  
vnnnd fúrnehmen / Als zu Zauberey vnnnd andern trüglichen Künsten haben / Der ge  
stalt / daß sie sich durch grewliche verdamlische Anrüffung / vnnnd beschwerungen /  
etlicher gewisser Zaubererey behelffen / Vnd dardurch mit Mordererey / Diebs  
stall / Rauberey / Vnnnd leglich mit wegfúrung der Leut / vnnnd herter Gefenck  
nus / viler vom Adel / vnseglliche grosse schaden vnnnd übel gestifte haben / Wel  
ches also von denen / so gern der halben billichs einsehens gehabt / Mehr auß not  
vnd forcht / dann güttem willen zúgesehen worden. Wiewol es solchen bos  
haftigen / lasterlichen Leuten / ieder zeit / zu einem bösen / verderblichen / vnnnd  
verdamblichen ende gerathen / Dardurch sie dann ihres verdiensts / billiche  
straffe empfangen / Wie noch auß vilen alten Historien vnd geschichten zu sehen  
vnd zú lernen ist.



## Thournier/Kampff/

Also hat sich Allergnädigster Kayser/ gleicherweise inn E. Kay. Mai. Landen vnd Fürstenthumbē diser Vnderlande/ nach etlicher böser Empörung/nahend bei der Statt Binz/ein Feindt aller Ritterschafft/tugendt vnnnd billichait erhaben/ so ein gewisser Zauberer/vnnnd Morabroc genant rürdet/ Welcher nun ein gütte zeit her/durch seine böse Künste vnnnd Zaubereyen/ vnzalbarliche übel vnnnd laster begangen vnd getrieben hat/ Alle möglich mittel vnd weg suchende/damit er nit allain alle Ritter vnd Edelleut/ auß E. Mai. Landen/ vnnnd der Vnderthanen/ Sonder auch auß allerley frembden vnd vnbligenden Landen vnd Gegenden/ listiglich an sich ziehen/vnd in schwerer vnleidlicher Gefengnus/ enthalten möchte/ Vermassen daß zubefügen/ wo seinem bösen/ vnehilichen fürhaben/ durch Götliche hülf vnd E. Kay. May. fürsorg/ der allgemainen hoffnung nach/ nit fürkommen vnd begegnet werde/ daß er solches noch vil hefftiger vnd lenger antreiben werde.

Dann der genant Morabroc/sein wonung in einem Schloß helt/ daß dermassen verzaubert/vnd mit einer sehr grossen dicken vnd finstern Wolcken/vmgeben ist/daß es keins wegs gesehen werden/ noch jemandts hinzü kommen mag/ Derhalbē es auch das finster Schloß gnant würdt/ Wiewol wann nit weit dauon/von wegen der Abentheurlichen Insel/des gefahlichen Thurns/vnnnd des vngewissen Durchzugs/seiner wonung gelegenheit/ wol kan abnemen vnnnd ermeissen/ Daßelbst sich alle Ritter/so Abentheur suchen/ durch Zaubereyen zu probieren/ gezogen vnd gezwungen werden/mit Conditionen vnd geding/ Wie hernach vermeldet.

Jedoch ist zu mercken/ daß gleich wie in allen dingen/ vnd menschlichen handlungen/die fürsichtigkeit das finembst ist/

Also hat die weise Königin/ als ein freundliche Fürstinn/ liebhaberinn vnnnd fürderinn des nuzes/ Friedens vnnnd ainigkeyt aller Edelleut/ durch ihre Kunst vnd grosse erfarnus/ der zukünfftigen dingen/ Inn betrachtung vnnnd erwegung/ was grossen schaden vnnnd nachtheils/ gemelts Morabrocs auffnemen/ gepereu möchte/ Inn der genanten abentheurischen Insel/ ein zünlich hohen fels vffgericht/darauff ein staine Seulen gesetzt/vnd darin ein köstlich Schwerdt gesteckt/ Welches so grosser tugent vnd krafft ist (Wie es dann auß etlichen gewissen Propheceien/so in zweien hohen/in gedachter Insel vffgerichtē Seulen/ doch inn so alter vnbreuchlichen Sprach geschriben sind/ klärlich abzunemen) Daß der Ritter/ so solches auß der Seulen ziehen kan/die Abentheur der Insel volenden/die Zauberey auffheben/vnd zunichten machen/ Die gefangnen Ritter auß der harten schweren Gefengnus erledigen/ vnd lezlich das verzaubert Schloß/zugrunde gehen/ vnnnd versinken machen/ Daneben auch andere vil mehr/ gütte vnnnd glückliche Abentheur (so nicht gezelt werden) zu ende bringen solle/welchs doch alles allain einem Ritter verheissen/vnd auß ihn gestellt vnd gestimmet ist. Solche Abentheur zu volenden/ vnnnd sonderlich das Schwerdt her auß zuziehen/ haben sich bißhere manche dapffere/ kluge Ritter vnterfangen/ doch das selb alles vergebens/ Dann der meiste thayl der selben in des offtgemelten Zauberers hendt kommen/ vnd gar wenig der andern so weit gelanget/ daß sie nicht mit schanden widerumb keret. Inn massen bißanher das Schwerdt also stecken plieben/ one daß jemandts den sieg vnd victori dauon erhalten mögen.

Dieweil aber vorgerürte Königin/ auß vorwissenhayt der künfftigen ding/ wol gewußt/was vn menschlichen grimmen wütere/ vnd greuels genanter Morabroc vol ist/ Dann sein grosser lust vnd freud/ alle Ritter inn so schwerer/ herter Gefengnus zu enthalten/ daß ihnen der grimmige Todt/ vil leidenlicher sein möchte. Damit nun sein böser arger will vnd fürhaben/ gestilt vnnnd gedempfft würde/ nach dem sie schon die abentheurlich Insel/ den felsē/ die staine Seulen/ das Schwerdt/ vnd lezlich den gefahlichen Thurn/ sampt dem vngewissen Durch-



## Vnd Ritterspiel.

zug / gemacht vnnnd geordnet / wie E. Kayser. Mai. hieoben gehöret / Also hat sie nachmals fürsehen vnd geschafft / daß drei Ritter vnd deren ieder mit zwen oder drei andern / alda ihr wonung haben / vnnnd die drei Paß verhüten vnnnd bewaren sollen. Nemlich einen auß ihnen an den gewagten durchzug / so der erst Paß / vnd ein Brücken über ein sehr tieff Wasser / mit gewaltigen Schrancken verschlossen ist / Welcher der Ritter mit dem roten Greiffen genennet.

Indem andern Paß des gefährlichen Thurns / der Ritter mit dem schwarzen Adler.

Vnd im dritten Paß so zwischen dem gefährlichen Thurn / vnd der Abentheurlichen Insel ist / der dritte Ritter mit dem güldin Lewen / Mit welchen alle Ritter so Abentheur suchen / oder durch des Morabioes Zaubereyen / dahin geraizt / das sie die abentheur des Schwerdts besehen wollen / vff nach bestumbte maß / Condition vnd geding / zu streiten vnd zu fechten / verpflichtet sind.

**E**rstlich sol der frembde Ritter / so gewapnet für die ersten Schrancke / die er geschlossen findet / kompt / ein Helffenbaine horn / daß an einer steinen Seule / gegen gemelten Schrancken über hanget / blasen / Als bald thüt ein Zwerg auß einem klainen Thürlein / gar nahe an den Schrancken / den kopff / vnnnd dem Ritter sagen / wie er bald empfangen werden solle / Auch sein ankunfft seinem Herrn dem Ritter / so den Paß verwart / anzaigen / Welcher als er das horn hören blasen / zu Ross sitzet / sich vff die bahn machen / auch als bald die Schrancken / auß seinem befehl / durch die Thürhüter geöffnet / mit dem frembden Ritter drei ritt thüt. Wann nun der frembd Ritter in solchen drei rennen besser helt / dann der Ritter mit dem Greiffen / Nemlich so er besser seine Spieß bricht / so er besser antrifft / oder seine Rennen baß vordringet dann der ander / mag er frey vnnnd sicher durch solchen Paß ziehen vnd kommen. Wo sich aber der Ritter mit dem Greiffen baß erzaygte / ist der frembde verpflichtet vnd schuldig / von stund an abzustei gen / vnd sich gefangen zu geben / Inn massen er in das finster Schloß / zu dem Morabioe / durch darzu verordnete Edelleut geführt würdet.

Im fall aber / so der frembde Ritter / den Bestehener ehe vnnnd zuuor die drei ritt volbracht / entweret oder wundet / der gestalt / daß er mit mehr rennen künndet / Ist er nit schuldig alle drei ritt zu thün / sonder sol im der durchzug zuerkendt werden. Hier widerumb / wo der Bestehener den andern gleichs fals entwehret / oder wundet / Sol sich gemelter frembder Ritter gefangen geben / wie oben vermeldet.

So also der frembd Ritter den ersten Paß gewonnen / vñ an den andern kompt / würdt er vom dem Ritter mit dem schwarzen Adler / mit einem ritt vnnnd sieben strich mit Rärisschwerten / zu Ross empfangen. Vnd so der frembde das best mit dem Spieß brechen / oder Schwerdt schlagen thüt / solle jme für zuziehen zügeurtheilt werden / Wo aber der Ritter mit dem schwarzen Adler / inn gleichem fall / dem frembden oblege / sol sich der frembde gefangen geben / Vñ so einer vnter jnen ehe alle strich geschehen / entweret oder gewundet würdt / In massen sie die übrige nit volbringen möchten / sol es wie am ersten Paß gehalten werden.

Als nun der frembde Ritter den andern Paß auch erobert / würdt jme das Thor des gefährlichen Thurns. geöffnet / alda er absteigen / vnnnd zu fuß durchziehen muß / Kompt also an den dritten Paß / da er den Ritter mit dem güldin Lewen gewapnet findet / mit dem er sich mit dem Schwert so lang schlagē muß / biß einer vnter jnen entwert / groundt oder gar müd gemacht würt / Inn massen er nit mehr athem haben kan. So dann der Ritter mit dem Lewen sich besser dan der frembd erzeigt / sol sich der fremd (wie obē) gefangen gebē. Hier gegē wo der frembde dz beste thet / sol jn



## Thournier/ Kampff/

in das Schiff zutretten / vnnnd inn die Abentheurliche Inſell zu fahren / vergünbt werden. Vnd ſo er übergefahren vnd an das geſtadt kompt/ Sol er ſeinen rechten vnd Zünamen/ one ainzige waigerung oder verlaugnuß/ anzaigen / Damit er inn das Register der dapfferen vnnnd ſtreitbarn Ritter / ſo der Patron des gemelten Schiffs/ von der weiſen Königin/ dazu geordnet / ſich an dem Furt des wassers/ haltende / inn verwarnus hat / geſchrieben werde / Als dann würdet er von gemeltem Patron vnd ſeinen Dienern/ vff den Felsen gelaitet / vnnnd geführt/ alda er ſich verſuchen vnd probieren ſoll/ Ob er in einem zug/ das Schwerdt auß der Seulen ziehen möge. Wo er aber das ſelb / wie vermeldet / nit thun kan/ ſo ſol er doch von wegen / daß er ſich ſo wol vnnnd dapffer gehalten / vnnnd alle drei Paß erobert hat / Von oft gedachter Königin/ mit einem ſchönen Zrenglinn / zu bezeugnuß ſeiner Tugent/ Manheyt vnd Ritterlichen thaten/ verehret/ Vnd als bald wider über das Waſſer geführt werden/ Auch volgendts zu Koß oder Süß/ nach ſeinem gůten gefallen/ widerumb durch die drei Paß hinder ſich ziehen.

Were dann der frembde Ritter ſo glückhafftig / daß er das Schwerdt gewinnen thette/ So ſolle er mit allem fleiß vnnnd ernſt / die vnterweiſung vnnnd anſchickung / die ihm der gedachte Patron des Schiffs thun würt / von punct zu puncten mercken vnnnd behalten/ Damit er one nachtheyl oder ſchaden/ zu dem finſtern Schloß kommen / vnd die Gefangnen erledigen möge/ ſonſt möchte ime ſolches zu argem vnd vngemach gelangen. Vnd ſo baldt der Ritter in daß Schloß kompt/ ſollen die verzauberten wolcken verſchwinden/ das Schloß geſehen werden/ Vnd ſonſt alle andere Zaubereyen vffhören.

Der frembde Ritter ſol gleichwol mit keiner andern Weh: zu ſechten odder zu Kempffen macht haben/ dann die ime von eines ieden paß Beſtehenern geraicht vnd gegeben würt. Doch mag ein ieglicher frembder Ritter / durch alle Paß/ einen oder zwen Diener/ oder Waffendrager mit ſich nemen.

Es ſind auch an allen diſen gemelten dreien Paſſen/ Richter verordnet/ ſo zwifſchen den Beſtehenern/ vnnnd frembden Rittern/ weder ainem noch dem andern/ zu lieb noch zu laide/ vitheylen vnd erkennen/ welcher vnter ihnen gewonnen oder verloren / Vnnnd hat es die offtegemelte / gütige/ fürſichtige Königin/ dermaſſen geſchaffen vnnnd verſehen / Damit der graufam vngütig Torabioc/ ſich ſeines vnmenschlichen vorhabens / gegen gemainer Ritterschafft einſmals enthalten vnd abthun möchte.

Alle diſe puncten vnd Conditionen vnd geding/ ſind wir/ Allergnedigſter Kayſer/ von einem namhafften/ Ehliebenden Ritter / kůrglichen für warhafftig beſticht worden/ Welcher bei ſeinen Ritterlichen Trewen vnnnd Wirten beteuert/ Daß er ſolches alles auß etlichen Seulen (deren mancherley gewefen) darinn es an den drei Paſſen in gar alter ſprach geſchriben gewef / genommen vnnnd gezogen habe.

So wir hiemit E. Kayſer. Mai. aller vnterthenigſt inn gebůrlicher reuerenz kúnde zuthun / nicht vmbgehen wóllen / Vnterthenigſt bittende/ die ſelb geruche ſolches nicht allain/ den Rittern vnd Edelleuten/ ſo an ihrem Hoff ſind / Sonder auch allen andern/ ſo ſich Ritterlicher Thatten beſleißten/ allergnedigſt kúnde zuthun/ vnnnd bei meniglich auß zurůffen laſſen/ Damit ſie ſich zu Ewr Mai. glůcklichen ankunfft gen Binnz / ſolcher Abentheur vnterſtehen/ vnnnd die ſelbe zu ende fůren wóllen. Dann gleicherweiß wie vnter den ſelben vil / vnd ſchier alle nit one groſſe ernſthaffte gefahr/ hohe Ritterliche thaten vnd löbliche/ glůckſelige erfarnus/ vñ volendung vilerlei ſeltzamen vnd wunderbarlichen Abentheur/ das ganze Aſiatiſch vnd Aſſricaniſch Meer / auch die Indianiſch Inſel/ Vnnnd ſchier die gange



## Vnd Ritterspiel.

ganze Welt durch suchet/ vnd durchzogen sind/ Also ist mann des gewissen zuversichelichen vertrawens/ vnnnd endelichen hoffnung/ Es werde vnter einer solchen grossen anzahl vnd meng/ von aller Nationen Rittern/ so E. Kay. Mai. dienen/ dieselb ehren/ fürchten vnd lieben/ Ja einer so dapffer vnnnd glückhafft sein/ Dapfer/ vermittelst Göttlicher hülffe/ Solche Abenteuer vnnnd Zauberreyen/ zu einem ende führen/ vertilgen vnnnd vffheben möge. Inn welchem/ wo es ob Gott wil/ geschicht/ Würdt sich E. Kayser. Mai. als dann/ sonder zweiffel/ ihrer gewonlichen angeborenen Gerechtigkeit/ vnnnd güte nach/ Inn sonderheyt der gerechtigkeit/ gegen Moraboc/ von seiner vilfeltigen/ bösen vnnnd strefflichen mißhandlung wegen/ Vnd der barmherzigkeit vnd miltigkeit/ gegen deren Leib vnd Gütern/ So E. Mai. auß der harten elenden Gefengnuß/ inn die hende geliuert werden/ Auß Kayserlichem gemüt wol wissen zugebrauchen. Der barmherzig Gott wölle E. Kayser. Mai. bald wol vnd glücklich dahin lassen antkommen/ vnd die selb inn gütter gesundtheyt/ vnnnd glückseliger Regierung/ langwirig erhalten.

E. Kay. Mai

Allerunderthenigste ges  
borsambste Diener/

Ganze Ritterschafft derselben Ma  
derlande/ So Abenteuer suchen.

## Von der Abenteuer des Guldin Schwerdts.

**I**n war aber inn den vorgemelten Seulen/ In so gar alter vnbräuchlicher Sprach vermeldet/ Dap die Abenteuer des Schwerdts/ zu volenden als laing anem Ritter/ Welcher der dapfferst/ künest/ vnnnd aller gewaltigst/ mannlichest Heldt/ vff der ganzen Welt sein solte/ verhaissen vnd Definiert were. Derwegen solches von ihr Königlich Mai. vff ihr Fürstlich Durchleuchtigkeit gestellt/ In massen/ Dap nach dem alle andere Herin vnd Edellut/ sich dara anprobiert/ Vnnnd ihr Fürstlich Durchleuchtigkeit vff die lezt keme/ soiche das Schwerdt/ so sunst niemant herauß zuziehen vergünt/ bekeme vnd genüsse/ Als der aller geweltigst/ dapfferst Ritter/ so diser zeit in der Christenheyt were/ Wie auch geschehen.

Derwegen des ersten tags/ so der xxv. Augusti/ wie oben vermeldet gewest/ als alle drei Ritter/ so die Paß erwarten/ gewapnet vnd allerding gerüst/ der frembden Ritter warteten/ Kam mit erst ein junger Ritter/ so sampt seinem Diener/ der in den Spieß fürte/ inn lauter schwarz tuch gekleydet/ Vnnnd vff schwarzen pferden/ schwarze wullen zeng hette/ vnd sich den finstern Ritter nennet/ Welcher am ersten Paß sich gefangen geben müst/ Vnnnd wardt von den sechs darzu verordneten Edelleuten/ so in gelb vnd roth sammete Röck/ mit der farben roten hohen Vngerischen Hüten gekleydt/ Vnd ieglicher ein Streitart trüge/ inn die Gefengnus geführt/ Welche auch die Schrancken ieder zeit öffneten/ Solcher Ritter war der Herr von Chaumont.

Der Ritter mit dem roten Greiffen/ oder der Graff von Arnberg/ het ein schön vergülten Küriß an/ Vnd darüber ein Schurtz/ so sampt des Roß decken/ hindern vnnnd soinen von Silbernstück/ mit roten Zarmosin sammeten rosen/ vnd weissen  
Atlaß





Arlas darzwischen gelegt/gar zerschnitten/vol gestickt war/Vnd vff dem Helm schöne hohe rote vnnnd weisse Federbüsche/ganz köstlich vnnnd lustig zusehen. Vff den zwen Rüstmeyster zu Ross warteten/so gleicher gestalt inn roten Sammeten Balderöcken/zerschnitten vnd mit weissem Arlas vnterfütert/ritten.

Nach disen kamen drei andere Ritter/so all in ein farb gekleydet/vnd braun gülden stück zerschnitten mit weissem Arlas gefütert/vnd der farben Federbüsche fürten. Vor welchen doch ein Junge in Weibs kleidern/vff Antiquisch/in braun gülden stücke/vñ einem gülden Mentelin angethan/vff einem Deltner mit einem Laqueien/zü fuß came/Beklagte sich an allen Passen/Das hernach ein Ritter kame/so also gekleydet/welcher jr gewalt gethan/Bath der wegen/sie wolten solche schmach an ihme rechen/dann er gewiß baldt kommen würde/die Abentheur der Insell zuuersuchen.

Der erst Ritter vnter disen dreien nennt sich den Ritter mit dem. W. so Johan de Cunia/ein Spanier war/welcher an dem ersten Paß dem Grauen von Arnberg/einn finger in der rechten handt vff den andern Ritt zurstieß/inn massen gemelter Graff mit mehr rennen kunth/sonder wurde der frembde Ritter durch gelassen.





**D** Erwegen vff dem vngewissen durchzug ein Horn geblasen ward/ Zu stund kamen zwen Rüstmeister/ In schwarz vnnnd weissen atlessen zerschnitten Baldröcken/ vnnnd solcher Hüten/ Deren einer dem frembden Ritter ein Spieß/ der ander ein Kürischwert brachten/ Als dann kam der Herz von Hochstraten in einem ganzē Küris/ vff einem schonen Hengst/ mit seinem Kürischurtz vnd decken von Silberm stück/ darauff von schwarzen samet lauter zweiffelstrick/ vnd in der mitte/ derselben schwarzsammete rosen genehet/ Alda sie iren Ritt vnd siben strach thetten/ Doch müßt der Ritter mit dem W. absteigen vnd sich gefangen stellen.

An des Graffen von Arnbergs stat/ dieweil er gewunt vnd nicht mehr Kennen kundt/ stelt sich der ein Ritter auß disen dreien/ so der Herz von Hubermont/ von Bay. Mai. Cammer war/ sampt seinem eltern Bruder/ dem Graffen von Horn.

Der dritte Ritter war Graff Peter Ernst von Mansfeldt/ So sich den Ritter mit der weissen Mauleselin nennet/ Welcher durch den ersten vnnnd andern Paß kame/ vnd am dritten/ sich gegen dem Ritter mit dem gülden Lewen/ welcher inn



## Thournier/Kampff/

roth Carmosin sammet / mit gülden Fransen verbrembt angethan war / sehr wol hielt / auch drei Schwerdt zerschlug / aber das 4. auß den henden fallen ließ / der wegen er sich gefangen geben müß / vnd kam also auff den selben tag niemands mehr / Dannes sehr spat wardt.



Des andern tages bald nach dem Morgenmal / kam der Herr von Peloux / ein Burgundier / so sich den Ritter mit dem grünen Schilde nennet / Welcher sampt seinem Pferd / grün vnd leibfarb güldt stück anhatt / Vnd am ersten Paß drei Lanzen brach / vnd sich an andern (welcher der Herr von Thourlon / an des Herren vñ Hochstraten stat / so des tags darvor / an der rechten Handt gewundet war / verwaret) so wol hielt / daß er an dritten kam / Alda / wiewol er sich treffenlich wol hielt / doch dieweil er das Schwert fallen ließ / wurde er gefangen weggeführt.

Nach dem kam Don Rodrigo Bassan / ein Spanier / so sich Peter Vermandes nennet / Welcher an dem dritten Paß / sich gefangen geben müß.

Welchem der Freiherr von Courlau / ein Burgunder folgte / so sich der Ritter mit den 3. Sternen hiesse / vnd grün daffete schürz vnd decke / mit grünem sammet verbrembt / vnd gülden Stern gestickt fürte / vnd am ersten Paß erlegt wurde.

Nach welchem Don Johan de Cunia ein Spanier (so den vorigen tag gefangen ward)



## Vnd Ritterspiel.

wurd) vnd sich den hoffenden Ritter nennet/ an der ersten Porten ergeben müste.

Graff Peter Ernst von Mansfeldt/ welcher gleichwol den tag davor gefangē/ Kam auch wider/ vnd nennet sich den Ritter mit den Federn/ wurde doch an dem andern Ritt/ an dem ersten Paß/ mit dem spieß mit solchem gewalt oben an das Visier gerent/ daß ihm dasselb zerstoßen/ vnd damit die nasen oben entzwei geschnitten/ In massen er für todt von der bahn getragen ward. Vermaint meniglich/ wo er nit so gut Harmisch gehabt er solte todt vff dem plaze blieben sein.

Nach disem kam ein ander Ritter mit dem plawen Schildt/ vol Stern/ so der Herz von Noyelle/ ein Niderlender war/ welcher an gefehrlichen thurn gefencklich geführt ward.

Solchem volgt Don Diego de Leyua/ ein Spanier/ der Indianisch Ritter genannt/ In schwarz sammet mit golt gestickt/ so sich an der ander Porten ergabe.

Nach dem selben zwen in roten Carmosin sammeten langen rößen/ mit gülden passament verbrämt/ vnd gelben seiden Binden über zwergs/ so sich die Vngerische Ritter nentē/ Vnd der Prinz von Astoljam andern/ vnd der ander am ersten Paß/ sich gefangen geben müsten.

Desselbengleichen warde Don Diego von Cunia/ so sich Conart vom finstern stern nennet/ an der ersten Porten erlegt.





## Thournier/Kmpff/

**S**Er erst so über das wasser kame/ war Don Johann Guixada ein Spanier/ so sich Don Wilhelm den hochmütigen nennet/ vnd mit braun Samet mit goldt belege gekleydt war/ Welcher sich dermassen ann allen dreien passen hielt/ das jm über das wasser zufaren erlaubt / vnnnd wurde von dem herien vonn Bussu / der Key: May: grossenn stalmeyster hinüber geleytet . Inn dem Schiff darinn er überfarenn solte / war ein schöner sessel mit Carmosin atlas bedeckt/ darein sich der Ritter setzte/ Vnnnd die so rüderten/ weiß vnnnd rot atlas wammes vnd hossen an hetten/ Als er nun ann das land kame/ ward er von des Schiffs Patron auff den Felsen gefüret/ vnd alda zwürt er ein mal das Schwerdt/ Als er es aber nicht gewinnen künde/ schanckte jm gemelter Patron von wegen der Königin mit danckagung ein schön krenzlin/ vnnnd zoge also wider über das wasser/ vnnnd zu roß hinder durch alle pafs.



**S**Ein Baidler Luis / Guixada erzeygt sich nach ihm gleicher weise liberal so wol / das er über das wasser kommen vnnnd auch ein krenzlin dauon bracht hat.

Nach



## Vnd Ritterspiel.

Nach disen zweyen haben des Herzogen von Arscotes Brüder/ der Marggraff Schieure/ der sich den Ritter mit dem roten schildt vnd drei Mozen köpfen nennet/ vnd in schwarze güldt stück angethon war. Vnd Don Ferdinand de la Berda/ ein Spanier/ so man den Abentheürliche Ritter/ vnd in leib farb vnd weiß Samet durch einander gestickt kame/ sich auch dermassen dapffer erzeyget/ daß sie an allen dreien Passen durch kamenn/ über das wasser gefaren vnd krenzlin bekommen haben.

Der vnuerschen Ritter/ so der Herr von Caumont/ vnd am vorigen tag auch gefangen gewesen/ sampt dem Ritter Gloresen/ dem Herren von Valur beyde Vliderslender/ wurden am andern Pass in das finster Schloß geführt.

Der fünfft der übers wasser kame war Don Luis Zapatta/ ein Spanier/ in gelben Samet angethon/ welcher sich dermassen gehalten/ daß er ein krenzlin wie die andern gewonnen.

Nach dem Don Johann de Zeuendo ein Spanier/ der traurig Ritter genennt am ersten Pass gefangen vnd nach ihm der Herr von Nonceau odder der Ritter vom dunkelen berg an der anderen porten überwunden worden.

Zum sechsten ist der Graff vonn Megenn/ der Ritter mit der Sonnen/ durch sein manlichheyt vnnnd dapffere thaten/ über das wasser kommen vnnnd ein krenzlin erlanget/ Welches gsell der Herr vonn Schampaignay der Ritter mit den stern/ so beyde mit dem Harnisch volgendenn leib farb Samet deckin vnnnd schurtz mit silberem stück kreüzweiß durchzogen anführten/ Am andern Pass/ darumb daß sein roß/ so des Ritters mit dem gulden Adler pferd am vmbwerffen andraffen gefallen/ absteigen vnd sich gefangen geben müssen.

Das sibendt krenzlin ist von Caspar Kobles ein Spanier/ dem Ritter mit dem Mon/ gewonnen worden/ Welcher als er durch die zwen pässe kommen/ wolte der Graff vonn Aigmont nicht mehr Thournieren/ dann er vermeynte es geschehe ihm vonn den Richtern zu kurz/ die weil sie vil über das wasser zufüren gepoten/ so es doch nicht gewonnen vnd durch billicheyt erhalten/ der wegen an sein statt ein ander/ der Herr vonn der Truilieren/ ein Franzos/ so vorhin sein Rüstmeyster gewesen/ an sein statt gestalt wurde/ wiewol sich gemelter Graff fast dapffer vnnnd Ritterlich am end als am anfang erzeygte hette/ mit welchem sich der gedacht Kobles/ der gestalt bewise/ daß er über das wasser kam/ vnd ein ander krenzlin erlanget.

Der Herr von Quirinaim vnd Pieux/ der ein der irrent Ritter/ vnd der ander der Ritter mit der rosen/ beyde Vliderslender/ wurden beyde der erst am andern/ der ander am ersten Pass erlegt vnd gefangen.

Welchen zweyen Don Garza de Ayala ein Spanier folgte/ so sich den todten Ritter nennt/ vnd in lauter schwarz/ mit todten köpfen/ vnd der Königin singer zu roß kame/ welche ein Respons für die todten sangen/ vnnnd wurde gleich am ersten durchzug weg geführt.

Nach disem kam noch ein anderer von blauem Atlas mit gelben vnd roten federn überall behendt/ vnd der selben farben atlas verbrimt/ sein schurtz vnnnd decke führende/ welcher sich den Ritter mit dem Basiliscenn nennet/ vnnnd der basthart Mingoual/ so imm vorigen Thournier zu fuß sich so dapffer gehalten/ Vnnnd so er den andern Pass het durch kommen mögen/ sonder zweifel sich mit dem schwert der gestalt erzeyget habenn wurde/ daß er auch ein krenzlein daruonn brachte hette/ Dann der Graff vonn Aigmont derwegenn schon die sterckestenn




### Thournier/Kampff/

beffen Schwerdter zusammen gefucht/ vnnnd vff ihn gefpart hett/ Es mißlang ihm aber gleich am erften Paß/ alda er darumb/ das er übel antroffen/ gefangen wurde.

Das acht Krenzlin/ gewan nach difem des Herzogen von Arscats Edelleute einer/ der Herr von Maleus gehaiffen/ ein Niederlender/ so sich den Wagenden Ritter nennet/ vnd in lauter weiß Sammet angethan war/ Vnd sich gleicher gestalt/ so wol hielt/ daß er über das Wasser kam/ Vnnnd die Abentheur mit dem Schwert versuchte.

Difem folgte der Herr Ducere/ ein Burgundier/ des schurz vnd decke/ von lauterem Guldin stück/ Vnnnd nennt sich den wilden Guidon/ so sich sehr wol biß an den dritten Paß gehalten/ alda er auch etlich Schwerter zerschlagen/ Als er aber zum end nicht warten wolt/ biß man andere Schwerter (wie der brauch) brachste/ sunder mit dem stumpff/ sich mit dem andern schläge/ wurde er von des wegen in die Gefencknus wider seinen willen geurtheylet.





## Vnd Ritterspiel.

**D**er Vlegst kam der Prinz auß Hispanien / selbst fünffte / alleinn roth Carmosin  
 sammet plümen weiß zerschneiden / mit silberin stück vnderfüttert / vnd gülden  
 passament verbrümbten Küris rocken / vnd desselben gleichen die decken hin-  
 den vnd vornen / vber die Pferd / sampt iren übergülden Schwerten vnd Dolchen /  
 mit roten sammeten scheiden vnd gürtel / Vnd hohe roten vnnnd weissen Federbü-  
 schen vff den Helmen / Vnter welchen der erst / der Marggraff von Pascara / des  
 Marggraffen von Guasto Son / ein Italianer war / so sich Ritter one namen nen-  
 te / vnd für ein jungen Herrn / der noch vnbarret ist / trefflich wol hielte / Der wegen  
 auch über das Wasser für / vnd ein Krenzlin bekame.

Der ander war der Herr von Noircarmes / ein Vlender / der Ritter mit der  
 weissen Rosen geneit / So gleich am ersten Paß gefangen wurde.

Volgends kam der Marggraff von Berges / der sich den plawen Ritter ( dara-  
 umb daß er ein plaw Harnisch anführte ) hiesse / so an der andern Porten überwun-  
 den wardt.

Zum vierden hielt sich gleicherweise der Prinz von Piemont / oder Hertzog von  
 Soffoy / so dappfer vnd Ritterlich / daß er über das Wasser geführt / vnnnd mit einems  
 Krenzlin begabt ward / nennet sich den güldin Ritter.

Der letzte war sein J. D. so am ersten Paß die ersten zwey Spieß wol / doch den  
 letzten mehr dann in 10. stück brach / Vnnnd gegen dem Ritter mit dem Adler / erst-  
 lich sein Spieß brach / vnd volgends im Schwert sich zimlich wol hielte / Also das  
 sein J. D. abstiege vnd durchgelassen ward / vnd sich nit weniger gar wol am leg-  
 sten paß mit dem Schwerdt / als an den vorigen erzeugte / Inn massen sie mit son-  
 dreim gepreng vnd Cerimonien über geführt / empfangen / vff den Felsen geleitet /  
 Vnd als sie das Schwert herauf gezogen vnd erobert / als dann von dem Haupt-  
 man / also mit demselben blossen Schwerdt / zu dem finstern Schloß geführt wurde.  
 Vnnnd zu stund als sie darzu kamen / fielen die Tücher / so wie Wolcken das gemelt  
 Schloß bedeckten / nider / also daß das Schloß wol gesehen werden mochte / Vnter  
 desselben Thür stünden drei Ritter in gangen Kürissen / mit ihren Schilten vnnnd  
 blossen Swerten / so die schlagbrücken / vnd des Schloß eingang erwarten / vnnnd  
 jr J. D. hinein zu gehen wereten / Als sie aber sich mit gewalt hinein zutringen vnn-  
 derstünden / vnnnd derhalben mit dem Eroberten Schwerdt / vff gemelte Ritter  
 schlug / fielen sie von stund an zu rücken / gleich als solchs mit tugent des schwerts  
 geschehen / Der wegen ihr J. D. mit gedachtem Schwerdt alles abtrieb / Vnnnd zu  
 stund das ganz Schloß zu boden fiel.

Wienun ihr J. D. hinein vff den platz gieng / kam ihr der Herr von Corbaon /  
 den mann für Moraboc den Zauberer hielte / in einem langen güldin Rock vnnnd  
 hohem Bareth vff dem haupt / so vff Moisch gemacht / vnd seinem langen weiß-  
 sen Bart / entgegen / fiel vff die knie / vnnnd bath vmb barmhertzigkeyt / ihre J. D.  
 alle gefangne Ritter überlifferte / Mit welchen allen / sie hernach herauf zogen /  
 vnd iren weg gen Hoff namen.

Ward also dise Ritterliche kurtzweil auch geendet / so für war sehr lustig vnnnd  
 wol zusehen gewesen / Dann diereil der erst Ritter am letzten / vnnnd der ander am  
 andern Paß renten vnnnd stritten / diereil feyret der dritt am ersten auch nicht / als  
 so / daß vff ein zeit an allen dreien passen / vnnnd zuzeiten zu gleich am vierden oder  
 am Furt etwas gesehen werden mochte.

Die Königin Maria hat über dis alles / ein meilwegs von Binz / hart bei irer  
 Mai. Lusthaus / so sie selbst gebawet / vñ fast schön zürichten lassen / auch nach irer  
 Mai. namen Mariemont / oder Marienberg geneit / vff ein kleinen berglin / gegē  
 gedachtem Lusthaus über / ein vierecktet Schloß / mit einer Pasterien vnd Streich-  
 wehren / Doch die vnter seitten sampt zweien Polwercken gegen dem Lusthaus  
 über /



### Thournier / Kampff /

über / von günten steinen / ein vier Schüch dick / Vnnd dahinder mit ein r. schäch  
breyt verschüttet / Den übrigen Rest aber / allain von holz vnnd brettern / bawen /  
vnd inn der mitte ein Thurn / mit seiner sturm Glocken auffrichten lassen / damit  
solches hernach belägert vnd gestürmbt werden mochte / Wie volget:



**D** Erwegen vff den xxviij. tag Augusti / hernach vff den Abent / nach dem  
Nacht essen / Ist von ihr König. Mai. abermals ein newe Kurtzweil ers  
funden vnnd angefangen worden / Darauf des andern tags hernach die  
Belägerung des obgemelten Schloß eruolget / Nemlich als mann zu Hoff in ge  
genwertigkeyt der Kayser. Mai. Ihr Fürstliche Durchleuchtigkeyt / vnd baider  
Königinn von Franckreich vnd Vngern / auch ander vil Herrn. Frawen vnd Jung  
frawen / gedanget / Kam der Prinz von Piemont / sampt dreien andern / ganz Ge  
wapnet / welche über ihre Harnisch von gülden vnnd silberin stück / mit sehr vil  
Federn schön angethan / vnd vermumbt / also / das mann ien Harnisch nicht sahe /  
Vnd ien ieglicher ein Frawen gleicherweß vermumbt / in Silber stück / mit Per  
lin gestickt / vnd langē hüten mit selzamen gehengen / vff Antiquisch sehr lustig ge  
kleidet / Nemlich die Fürstin von Epinoy / die Grefin von Mansfelt / die Grefsin  
von



### Vnd Ritterspiel.

von Reus/vnd die Frau von Bussu) mit fürten/vñ in dem Saal züchtiglich danc-  
geten/so andere it. Ritter/auch vermumbt/vñ in grün güldt stuck vff Morisch sehr  
köstlich gekleyd/gewapnet mit blossen Schwertern überfielen/ Derhalbē sie sich  
von stund an sehr dapffer zu wehr stelten/jr Kleider wegwarffen/vnd im Harnisch  
stehen blieben/Als sie aber ein weil von jr vieren mit Kempffen vffgehalten wur-  
den/vnter dem namen ihnen die andern die Weiber/ brachten sie mit gewalt vom  
saal/Vnd also zum Schloß herauß/ setzten sie vff ein schönen übergülten Wagen/  
mit grünem sammet gefüttert/vnd die Kof mit grünem sammeten Zeugen/so sampe  
ihren pferden vnd Dienern/auch vil Sacklen am Thor vff sie warten/ vnd fürten  
sie noch die selbig nacht gen Marienmont. Derwegen die andern vier Ritter den  
die Weiber genommen/für die Kay. Mai. giengen/ vnd sie vff den Knien vnterthe-  
nigst baten/Sie wolten ihnen allergnedigst zulassen vñnd vergünnen/ daß sie inn  
betrachtung der freuenlich/gewaltthatlichen an ihnen geübten handlungen/sich  
rüsten/vnd solche schmach vnd gewalt rechen döufften/Auch daß ihr Mai. Ihnen  
zu ehren vñnd gnaden/ des andern tags zu Marienmont/ persönlich zuerscheinen  
geruchte/ Dann sie hofften ein solch mißhandlung dermassen zu rechen/ daß ihr  
Mai. selbst sehen solte. Welches ihnen also von der Kay. Mai. zügelassen/gestats-  
tet vnd bewilligt worden.

### Sturm vnd Eroberung des Kawb Schloß.





**D**rummb des andern tags hernach / als die Kay. Mai. sampt dem Prinzen / vnd beiden Königin / vmb x. vñ in vor mittag gen Marienberg kommen / vnd von hochgedachter Königin vff eingerüst vor dem Lusthaus mit sechs köstlichen Tappicerey behenckte / vnd sunst lustig zugerüst / geführt wurde / Wurden vff die lincken seitten des newgebowten Schloß / do die weggeführten Fräwen in gehalten wurden / des Graffen von Aigmont bande / vñnd des Graffen von Arnberg bande / so beide 400. Pferde waren / In schöner ernstlicher rüstung vñnd ordnung vff ein höhe / vñ strack für das Schloß / Das Fußvolck bei 6. Sendlin / (so alle erfarnen Kriegsleut auß den besatzungen der grenzen darzu von jr Kd. Mai. erfordert) gleicher weise in Schlachtordnung gestellt / Der Kay. Mai. Adel aber sehr wol vnd köstlich gerüst / hielten vnter den Niederlendischen Reutern / deren farb weiß vñnd schwarz war. Vor dem Schloß über / vff ein 300. schutt / waren die schanzen mit ihren schanzkörben / vnd andern nothdürfftigen dingen / ganz wol gerüst / vñnd 12. schöne stück vff Redern vñnd Maurbrecher / Des gleichen zu beiden seitten auß andern schanzen / allwegen ij. Schlangen wider das Schloß gericht / Im Schloß waren iij. Sendlin schwarz vnd gelb / vñnd 300. man / so mit vil Kammer büchsen hefftig herauß schossen / Vnd sonst hielten der Kay. Mai. Hartschier all in ein farb gekleidt / inn einem hölzlin nicht weit hinder gedachtem Schloß / Vor welchem / nach dem es erstlich durch ein Trummeter vffgefodert / vnd derselb mit bösen trügigen Worten abgewiesen ward / Vil schöner scharmügel / vff allen seitten / zu Roß vnd Fuß / mit abstrickung der Profiante / wegfürung des Viehs / vnd andern einem rechten ernstlichen Krieg gleich gehalten wurden / Dan die im Schloß offtermals iezo zu Fuß / iezo zu Roß / herauß fielen / scharmügelten / Vieh hinein füren / die Feind fiengen / jr Schloß speisten / vnd Prouantierten / Die ire etwa entsetzten vnd anders theten / Hiergegen die heraußen sie mit gewalt fliehen machte / die Profiande so mann vff Wegen vñnd Karren zufurt wegnamen / ihrer vil vff dem scharmügeln gefangen / in das Lager (so überall volle gezelt war) füren / vñnd die Hartschier so im Holz hielten / den Feinden den weg abreuten / sie iagten / ein schwader Reutter das ander auß dem Lager entsetzte / vnd sonst alles anders theten / so immer möglich ist / oder in einem rechten Krieg / in ernst geschicht. In massen / solchs aller ding einem ernst gleich gesehen / one daß mann nicht kuglen schoß / Jezo wurde ein Sendlin Fußknecht zum scharmügel außgeführt / alsdann fiengen die Raifigen an / Vñnd darneben wurde zu beiden theylen sehr geschossen / auch darzwischen das Schloß vff iij. mal mit rechten Kuglen von Maurbrechern / also beschossen / daß die Pasterien niederfielen / vnd die Mauren meisten theyl gebrochen wurden / (welche sehr kurzweilig zusehen) vñnd daruff von dem Fußvolck / mit dem sturmgar dappfer angelossen / Derwegen die im Schloß mit den Glocken vñ den Trummeln ganz kleglich / sturm vnd lerman schlägen / sich vff die Mauren machten / die Sendlin fliegen ließen / Erden / Feuer / vnd anders herab wurffen / sich sehr wehrten / in sonderheyt mit Feuerwercken (so wol angien) / Diweil seirte das Geschütz auch nicht / wiewol allein Bogenschuß zum schein geschahen. Als mann nun dermassen bei einem viertel einer stund gestürmet / zogen die heraußen wider ab / Wurde das Schloß vff drei mal widerumb beschossen / vnd die Pasterien / Mauren vnd Wahl / schier gar gefelt / vñ die Graben gefült / Wiewol die so darinn sich solch widerumb zuerstattten vnterständen. Doch lezlich nach langem vnd vilfeltigen mancherleien scharmügeln / vñ Kriegs thaten / wurde gemeltes Schloß / abermals nicht von dem Fußvolck / wiewol es in der ordnung darzu geführt / vnd vff die seitten gestellt / Sonder allein von jr Mai. Adel / vnter welchen der Prinz von Piemont / der Hertzog von Holstein / der Prinz von Aranen / vñnd sonst die fürnemesten am gantzen Hoff / so zu Fuß abgestanden / auch vmb das Haupt mit gantzen Helmlin baß dann die andern versehen waren / vnd alle lange Spieß erügen / mit sturm gar hefftig angelossen / die Stürmleittern angeworffen / darauff hinauff gestiegen / Die auß der Mauren hinweg gestossen / Vñnd widerumb / von denen darinnen / Feuerwerck / prinnent stro mit bech / hülze böck / erdtklögen / vnd anders herab ges



### Vnd Ritterspiel.

ab geworffen/ geschossen/ die sturmenden über die Leitter gestossen/ geschlagen/  
vnd sonst zu beiden seiten in dem Graben gescharmüzelt/ vñ nach grosser vnd lan-  
ger weh/ dasselb erobert vñnd gewonnen/ Die Frawen wider zu der Kay. Mai.  
vnd volgends in die Statt gefürt/ Vñnd inn summa/ sonst alle ding dermassen ges-  
chicklich/ arelich/ vñnd bedachelich gehandelt/ Das es einem ernstlichen Krieg/  
dann einem schimpff gleicher sahe/ Demnach nichts darbei vergessen/ so zu einem  
Krieg gehörig/ gebraucht vnd mit ernst gethan wirdt/ oder immer erdacht werden  
kan/ In massen ihr Mai. selbgs sagt: Sie haben in vilerley Landen vnd Nationē/  
allerlei kurzweil gehabt/ Doch kein besser/ oder scheinbarlicher vnd lustiger/ dan  
dise/ nie gesehen. Vnd ist solcher Sturm dermassen volendet/ das niemands sons-  
ders beschedigt/ allein das dem Herrn von Pelux/ einem Burgundier/ ward ein  
schön Spanisch pferdt/ vnter jme vff dem scharmüzeln/ mit einem Spieß todt ge-  
rent/ Vnd sonst etlichen Edelleuten vnd Kriegsknechten am sturm/ durch dz ferer  
(vnd in sonderheyt dem Herrn von Schampaignay) die bärte vñ kleyder verbrent/  
auch leglich hart geworffen vñnd gefallen worden/ Doch am leben keinem nach-  
theylig.

### Von einer herrlichen Walzeit.





### Thournier/Kmpff/

**D**erweil auch solche scharmüzel gehalten/ gabe hochgedachte Königin/  
der Kay. May. dem Pringen/ vnd der Königin von Frankreich/ allein off  
vorgemelten gerüst/ ein sehr köstlich morgenmal/ vñ dienten jr May. xxiij.  
Jungfrawen/ die fürnemste auß ihrem frawenzimmer zutisch/ trügenn das essen  
auff/ gaben trincken/ schnitten für/ Vnd theten sonst alles so jr Key. May. Trugsesa  
sen zuchün pflegen/ Inn massen kein mann hinein gehen dorffte/ on den Hertzogen  
von Alba/ als den obersten hoffmeyster/ vnder welchen vñ. wie nimphen/ die arm  
vnd heupter bloß/ vñ. wie hirtin/ mit schaufeln/ schinhüten vñ andern/ Vnd vñ.  
wie Dianen/ mit köchern bogen/ pfeilen vnd Jägerhorn/ vnd alle von gulden vnd  
silberin stuck/ mit vil perlen vnd Edlem gesteyn/ so wercklich vnd köstlich gestickt/  
getleydt/ das derselbenn werdt/ nicht wol zuscherzen gewest/ vñnd sich sonst menig  
lich einer solchen herligkeyt zum hefftigsten verwundert hat.

### Vom ein grossen Stechen vñnd Thournieren.





## Vnd Ritterspiel.

**A**nn xxx. Augusti/ wurde auff dem marckt ein ander gestech vnd Thournier von lx. Kürisser zu roß/ alle mit ihren Barsen/ alweg fünff wider v. auff ein ritte/ vnd alle zugleich/ neben einander on einzig balgen treffend/ sehr lustig vnd köstlich gerüst gehalten/ Vnd wiewol der platz sehr kleyn/ so wurden doch die schrancken mit schön gemalten seülen Antiquischen waffen vnd wehren/ vnnnd andern/ dermassen zugericht/ daß an jeglichem ort vnden vnnnd oben/ zwey thor waren/ also daß sie oben herab zu dem vndern rechten/ vnnnd die so vnden herauff ritzen/ zum obern lincken thor wider hinauß/ Vnd dann zu den andern thorn vnden zu dem lincken/ vnnnd oben zu dem rechten/ ander zwey roß hinein kamenn/ biß so lang daß ein jeder v. riet gethon/ Vnd sunst niemands in die schrancken kommen dorffte. Die Key. May. beyde Königin/ vnnnd das frauenzimmer/ stünden auff ein schönem gerüst mitten ann der einen seiten auffgericht/ Solche lx. Kürisser wurden in ij. partheyen/ auff jegliche xxx. vnd alweg v. in ein farb vnnnd rüstung angethon/ getheylet/ vnd zogen also zu der ordnung alweg in ein glid ij. vnd dem andern ij. nach einander mit ihren Barsen/ hohen federbuschen/ Kürisschwertern/ vnd Keyßspießen in der faust für die Key. May. Welches so lustig vnd Adelich/ in sonderheyt die geul mit dem Barsen/ vnnnd so schön vnd köstlich bedeckt geburzt/ zusehen war/ daß ich nit glaub vor je dermassen geschehen. Welche alle inn nachuolgender ordnung auff die ban rieten/ Erstlich der Prinz von Hispanien/ der Herz von Rye des guldē Vlies/ ein Burgundier/ Don Anthony de toledo/ Rois gomes de Silua/ vnd der Graff von Cifuentes/ alle Spanier/ so alle guldē stück zerschnitten vnd mit gulden gestickten hoherheben rosen über die massen köstlich/ fürten.

Zum andern der Herz von Bussy/ der Key. May. oberster stallmeyster/ vnd Ritter des gulden Vlies/ ein hainouer/ der Herz von Kalg ein Burgundier/ Don Ferde nand de la Cërda / Don Ludwig Guirada/ vnd Don Johann Manrique de lara/ Key. May. hoffmeyster (welchem sein pferdt auff dem platz todt gerennt worden) alle Spanier in schwarzen Samet zerschnittenn/ mit weissem Samet vnderfürert angethon.

Zum dritten in goldtgelben Samet mit zerschnitten schwarzem Samet verbiemet/ Der Graff von Aigmont/ der Herz von Frange/ der Herz von Heribois/ ein Burgundier/ so ein arm entzwey brochen/ der Prinz von Ascoli ein Spanier/ vnnnd der Herz von Meyelle ein Niderlender.

Zum vierdten für den Grafen von Arnberg/ so nicht rennen kunte/ der Herzog von Holsteyn/ der Herz von Louore/ der Herz von Laucalze/ der Herz von der Capella/ vnd der Herz neunen/ alle Niderlender/ In dunkelbraunem Samet/ mit guldem Passament verbiemt.

Hernach in liechtgelbem Samet der Prinz vō Piemont/ der Herz vom Grosseart/ Vespasian gonzaga ein Italianer/ Don Johann de Cunia/ ein Spanier/ Vnd der Herz von Schampagne/ des Bischoffs von Arras brüder.

Volgent inn grawem Samet mit schwarzem Samet verbiemet/ der Herz von Hochstraten/ Ritter des gulden Vlies/ der Herz von Mallambais auch ein Ritter des gulden Vlies/ der Herz von Balieu/ der Herz von Monzeau/ vnnnd der Herz von Trsom alle Niderlender.

Zum sibenten/ inn rotem Carnosin Samet mit gulden franset/ vnd gulden büchsen/ staben/ der Graff vō Fockenbergh der elter/ der Herz von lausfort/ der kleyn Vlogeller/ der Herz von Vattunes / so mit ein spieß in das obertheyl des schenckels schier ein halbe spann tieff gerennt worden/ vnd der Herz von Caumont/ alle Niderlender.

Nach welchem inn blawem Atlas/ mit Silberm Pasament verbiemt / der



## Thournier / Kampff /

Marggraff von Bergen / der Herz von Schanthonay / des Bischoffs von Arras Brüder / der Barnsal / der Herz von Trelloin / vnnnd der Herz von Dennigen / alle Niederlender. Zum neunten in weissen sammet / der Graff von Negen / der Herz von sanct Martin / Niederlender. Der Freyherz von Coisaul / Burgundier / der Herz Lambert Saffoyer / vnd Don Ludwig Sapata / ein Spanier.

Vnd dann in braunen Sammet / der Graff von Horn / der Herz von Noicarsmes / der Bastard Mingoual / Niederlender / Gaspar Kobles ein Spanier / vnd A.

Difem folgte der Prinz von Antoni / der Marggraff von Schieure / der Preus / der Herz von Carebe / vnd der Herz von Semeri / Alle in grün sammet.

Vnd zu letzt für den Graffen von Manßfelt / so an der Nasen / wie hievor gehört / gewundet / der Herz von Lockingen / Der Herr von Transchant / der Herz Nabeck / der Herz von Darluge / vnd A. All in Negelfarben sammet / zerschnitten mit gelben Atlas vnterfütert / Vnd hett ein iegliche Rott den Kürischurtz / hohe Federbüsche / scheiden / gürtel / decke hinten / vornen über den hals der Pferden von solcher farb / vnd andern wie oben vermeldet / Vnd als sie aller ritt verbracht / wurden xxx. vff eine / vnd xxx. vff die ander seitten / neben einander gestelt / Vnd also der Thournier mit den Schwerten auch volzogen / Welchs fürwar sehr wol zusehen / one allein daß ein sehr grosser platzregen darzwischen kam / so vil verderbt. Ein ietzliche Parthey hettten xij. Trummeter / die ein inn gelb / die andern in weiß sammet gekleydet / Welches also das letzte Ritterspiel vnnnd kurzweil gewest / so man zu Bins getrieben / Dann ihr Mai. sampt dem Prinzen vnnnd beide Königin des folgenden tags von Bins verrückt.

## Von ein köstlichen Bancket.

**A**uch auff den Abent hernach / hielt hochgedachte Königin Maria / der Kay. Mai. dem Prinzen vnd sonst der ganzen Gesellschaft / ein sehr schön brächtig / zierlich vnd vast köstlich Bancket / vñ Nachtmal / nach welchem als man gedantz / für ihr Mai. die Kayser. Mai. ihr S. D. vnd die andere gesellschaft / in ein schöne vnd wolzügerichter Kammer / In welcher vff der eynn seitten / an der wandt / auß einem sehr schönen Brunnen / in einem artlichen / vnnnd künstlichen Felsen / mit vil Corallen zincken vnd andern zügericht / vier Kören mit Hypocras sprangen / Vnd oben an der decke wie ein rechter Himmel gar lustig gemalt / vil prunnende sehr wol riechende Liechter / so natürlichen Stern gleich sahen / hiengen / Auch an einem ort also gewülcklich vnnnd dunkel gemalt war / als ob es einem Wetter vnd vngestümme gleich were / Derwegen nach vilfeltigem plitzen / Tonnern / Regnen vnd Haglen (so von woltschmeckenden köstlichen Wasser vnnnd Coriander zucker / alles so artlich vnnnd natürlich geschah / als ob es ein recht Wetter were / vnnnd meniglich sich darab verwunderte) fiel von gedachtem Himmel zwischen iij. schönen darzu gemachten Seulen / ein lange gerichtete taffel herab / Welche voller gar schöner steinern gemalten Schüsseln mit allerley sorten eingemacht / so man erdencken mocht / artlich vnd ordenlich gestelt / Vnnnd von den vmbstehenden genommen wurde. Nach difem vnd andern Tonnern / Plitzen vnd Regen / fiel ein ander Tisch herab / mit Confect vnd Zucker / in lauter Cristallen schalen / außgetheylet / So gleicher gestalt auch von stund an preiß gemacht. Vnd zum letzten / nach gleichem Tonner / Plitz vnd Regen / fiel die dritt Taffel herab / Vff welcher vil schöner artlicher vnnnd künstlicher Baume / zwischen den Zucker bilder vnd ander Confect mit allerley Vogelen vnd Thierlein / so in die Kammer flogen vñ lieffen / Alles zu Zuckerschüsseln mit übergülte renfften sehr ordentlich vnd wolgesetzt / vñ von der Gesellschaft wie die vorigen weggenommen wardt.

Hette



Vnd Ritterspiel.

Hette also der Triumph zu Bingen ein end/so inn allem vil köstlicher/schöner/lustiger vnd inn weit besser ordnung vom Anfang biß zum ende/ gehalten vnd volbracht worden/ dann solches hier inn vermeldet/ oder von einem weitnerstendigen beschriben werden möchte.



Frankf. Chr. Egen. An. M. D. L.















+

2nd lot









Special 89B  
DP  
179 25341  
T52  
1550

THE GETTY CENTER  
LIBRARY



